

**CHAW NPAJ TAUV DEJ HAUV ZOS YUBA/LIVE OAK**



**NTSIAB LUS TSEEM CEEB**

**THAUM SIJ HAWM DEJ YUAV NYAB**

Daim ntawv no yog yuav pab koj rau lub caij ntuj no thiab cov hli caij nplooj ntoos hlav thaum los nag hlob heev thiab nag khov (snow) yaj ua dej los nyab rau peb cov kwj deg loj & kwj deg me.

Thov koj yuav tsum nyeem daim ntawv qhia no.

**NYEEM TAM SIM NO KIAG!**

Khaws daim ntawv no tso rau hauv koj phau ntawv teev xov tooj ua ib qho kev yooj yim rau koj.

Muaj ob peb daim ntawv qhia sib txawv rau tej chaw npaj tauv dej nyob sib txawv ntawm nroog Sutter. Xyuas kom meej kom koj tau daim ntawv qhia yog ntawm thaj tsam koj nyob.

**NYOB RAU HAUV NO MUAJ Phab**

☛ Cov Kauj Ruam Npaj Ua Ntej Dej Nyab	1
☛ Daim Ntawv Teev Npaj Khoom Ub no	1,2
☛ Cov Theem Dej Puv Ntawm Tus Dej (Feather River)	2
➤ Kev Muab Tswv Yim Kom Tawm Khiav	3
➤ Txog Caij Yuav Tsum Tau Khiav Tawm	4
☛ Thaum Tus Dej Puv Zuj Zus Tuaj	6
☛ Kev Npaj Tsam Raug Yuam Khiav Tawm	6,7
☛ Yog Tias Koj Lub Tsev Raug Dej Nyab	4,5
☛ Yog Tias Tsim Nyog Yuav Tau Tu Qhov Txhia Chaw	5,6
☛ Chaw Tseem Ceeb Muaj Tej Kev Pab	8,9

\*\*\*\*\*

Nroog Sutter thiab Yuba muaj ntsis yuav sib xws, tab sis kev tshaj tawm sib txawv thaum muaj xwm txheej ceev. Ua tib zoo mloog kev tshaj tawm ntawm thaj tsam koj nyob.

## KEV NPAJ NTAWM COV KAUI RUAM UA NTEJ DEJ NYAB

Npaj tam sim no rau ib yam xwm txheej ceev yav tom ntej. Qhov no yog ib qho zoo kawg nkaus kom paub meej tias koj thiab cov koj hlub txhob ntsib kev nyuaj siab & kev ntshai.

SIB THAM npaj ib qho tswv yim tias yuav ua li cas rau koj tsev neeg yog thaum lub sij hawm muaj dej yuav nyab. Xyuas kom meej uas txhua tus, nrog rau cov menyuam me, cov neeg laus los sis tej tsiaj paub tias yuav ua li cas.

KAWM kom paub txoj hau kev zoo tshaj rau nej tsev neeg yuav tawm khiav.

Sam roj rau tej tsheb kom puv nkaus tseg

Npaj kom muaj tej khoom dej txeem tsis taus xws li txiag ntoo, ntaub yas, thiab lwm yam tau siv thaum muaj xwm txheej ceev.

UA ib daim ntawv teev khoom uas yus yuav siv xws li tej rooj tog, ris tsho hnav, thiab tej khoom muaj nuj nqis. Muab koj/nej lub tsev yees duab sab hauv thiab sab nraud tseg yog ib qho tseem ceeb; nqa txhua yam ntaub ntawv tseem ceeb nrog yus mus.

UA NTEJ dej nyab uas koj yuav raug yuam khiav tawm hauv koj lub tsev, koj yuav tsum muaj txhua yam khoom tseem ceeb nqa nrog koj tsam dej los nyab koj txhua yam khoom piav sij tag lawm.

## DAIM NTAWV TEEV KHOOM UB NO

- Npaj tej dej haus thiab zaub mov uas txhob lwj/tsw sai kom kav li peb hnuv (ib nkasloos dej rau ib tug neeg tauj ib hnuv).
- Npaj cov tshuaj yus yuav thiab kws tshuaj sau ntawv yuav uas tseem ceeb nrog nraim koj.
- Khoom siv rau menyuam xws li mis mos, raj mis, pawm, mis hmoov, thiab tshuaj menyuam.
- Npivthabnyub siv roj teeb thiab ib co roj teeb npaj
- Teebxais thiab npaj ib co roj seem
- Khoom siv raug mob thiab tej ntawv qhia siv cov khoom

- Pam vov pam pua
- Khob haus dej, phaj noj zaub mov, thia diav noj mov
- Tus tho kaus poom tsis siv hluav taws xob
- Riam siv ua zaub mov noj
- Ntaub so quav thiab phua da dej
- Xabnpus da dej thiab xab npus ntxhua khaub ncaws
- Poj niam tej khoom siv thiab lwm yam khoom siv rau lub cev
- Tsom iav qhov muag
- Khoom siv rau lo hniav
- Ris tsho hloov thiab khau hloov
- khoom tiv nag
- Nyiaj ntsuab los sis nyiaj tshev siv taug kev, & nyiaj ntxiv
- Khoom lom zem - ntawv nyeem thiab khoom uasi (games)

## **TEJ THEEM DEJ PUV NTAWM TUS DEJ FEATHER RIVER. . .**

Kev ntsuas dej yog ntsuas rau ntawm txoj kev 5 hauv zos Yuba.

**QIS DUA 70 FIJ** yog caij Npaj Tswv Yim thiab Npaj Khiav: Kev npaj tswv yim thiab npaj khiav yog muaj xwm txheej ceev. Tus niam dej puv phwj tuaj dhau tus kwj deg rau sab nraud lawm, thiab tej nom tswv xav tias yog caij npaj, tab sis tsis tau tshaj tawm rau qhov txhia chaw kom ceev faj heev.

**DEJ PUV DHAU ZOG 70 FIJ** yog caij npaj tias yuav ua li cas. Txhua cov neeg uas nyob rau thaj tsam ntawd yuav tsum npaj kom tiav log rau kev qhia tswv yim kom Txav Tawm. Kev tshaj tawm los sis Raug Yuam Khiav Tawm yuav hais qhia tsis paub lub sij hawm twg li lawm.

**DEJ PUV DHAU 77 FIJ** yog xwm txheej ceev kub teg kub taw. Nyob rau theem no, qhov yuav Raug Yuam Kom Khiav Tawm ntawm thaj tsam yog ntau heev li lawm. Kev Raug Yuam Kom Khiav Tawm tej zaum yuav ze heev lawm, thiab tej zaum yuav tsis muaj los sis muaj sij hawm tsawg heev rau cov neeg los sis tej chaw hauj lwm yuav tiv thaiv ua ub no. Nws yog ib qho tseem ceeb kawg nkaus uas txhua tus yuav tsum ua tib zoo mloog tej tshaj tawm txog xwm txheej ceev los ntawm lub Nroog thiab lub Zos thiab npaj kom tiav log rau qhov yuav raug khiav tawm los ntawm kev tshaj tawm.

Yuav muaj ntau yam kev tshaj tawm hais txog ntawm qhov dej yuav nyab uas tsis paub yog lub sij hawm twg li. Piv txwv tias, tej kev qhia txog ntawm tus dej puv, dej puv tuaj nyab tus ntswg dej li cas, dej los nyab tus ntswg dej pes tsawg zaus rau lub caij ntawd, kev tso dej tawm ntawm cov pas dej tauv pem hauv dej, lub sij hawm twg, thiab cov tib neeg uas yuav tau khiav tawm ua ntej yuav raug yuam kom khiav tawm. Tsis muaj txoj kev yuav qhia tau ua ntej tias cov teeb meem hais los no yuav muab tshwm li cas thaum muaj nag xob nag cua los is caij ntuj nag, es yuav tshaj tawm hnyav thiab ceev npaum li cas kom khiav tawm. Xyuas kom meej tseeb tias qhov kev txiav txim siab khiav tawm yog ib qho loj heev thiab kev raug yuam khiav tawm kom yog ib qho uas thaum yeej yog tsim nyog kawg kiag lawm xwb.

### **KEV MUAB TSWV YIM HAIS KOM KHIAV TAWM:**

- Kev Muab Tswv Yim Kom Khiav Tawm ua ntej yuav tshaj tawm yog thaum pom tau tias qhov teeb meem loj zuj zus thiab qhov yuav Raug Khiav Tawm yuav muaj tsis ntev tom ntej.
- Qhov txaus ntshai heev tseem los tsis tau txog, tab sis vim kev pauv ntawm cov fuab cua sai heev nws kuj yuav tig los ua ib qho uas txaus ntshai heev li los muaj. Cov tib neeg thiab chaw ua hauj lwm txhua qhov yuav raug qhia kom npaj rau qhov uas yuav Raug Yuam Khiav Tawm.
- Cov pejxeem yuav raug qhia tswv yim kom khiav tawm thaj tsam. (Cov uas yuav tau khiav tawm ua ntej vim muaj tej yam teeb meem, xws li tej qhov chaw tub neeg mob los sis yuav tau siv tej yam khoom tshwj xeeb thauj lawv mus los sib cuag, yuav tau khiav tawm kom sai li sai tau tom qab uas muab tswv yim Kom Khiav Tawm lawm.).
- Cov chaw ua hauj lwm raug qhia tswv yim kom ceev faj tiv thaiv ua ntej rau lawv tej khoom/los yog muab tshai chaw. Kev khiav mus los rau ntawm thaj tsam uas Raug Tawm Tswv Yim Kom Khiav Tawm tseem tsis tau txwv lub sij hawm no.
- Kev Muab Tswv Yim Kom Khiav Tawm yuav tshaj tawm paub thaum qhov Raug Yuav Kom Khiav Tawm nres lawm, tab sis qhov teeb meem tseem nyob rau qhov uas tsis paub yuav pauv sai npaum licas thiab tseem yuav dhau los ua teeb meem loj ntxiv.

## TXOG CAIJ YUAV TSUM TAU KHAV TAWM:

- ☛ Lub Caij Yuav Tsum Tau Tawm KHAV yuav tshaj tawm yog thaum qhov xwm txheej dhau los ua ib qho teeb meem loj los yuav raug rau cov pejxeem nyob rau thaj tsam uas hais ntawd. **Qhov xwm txheej hnyav ze heev kawg li lawm.**
- ☛ Txhua tus neeg yuav tsum raug yuam khav tawm tam sim ntawd ntawm thaj tsam mus rau cov hau kev uas luag hais qhia, tsuas tshwj cov yuav raug ua hauj lwm nyob xwb. Qhov tiag, yuav tsis yuam cov pejxeem kom tawm ntawm lawv tej vaj tse; txawm licas los xij, yog pom leej twg lam nyob rau lwm tus qhov chaw, los sis pom rau ntawm tej tog kev tsheb, yuav raug txhom los raug ntshem tawm ntawm thaj tsam ntawd.
- ☛ Thaum tawm ntawm qhov chaw lawm, cov pejxeem (txhua tus neeg) yuav tsis muaj cai rov qab los kom txog thaum luag tso cai rov los tau. Yog tub ceev xwm pom ib tug neeg twg uas tsis tsim nyog los, lam los tshwm rau ntawm thaj tsam txwv, nws yuav raug muab coj rov mus thiab tsis pub rov los nkag rau thaj tsam ntawd lawm. **Cov neeg uas pheed lam los txuam rau xwm txheej no yuav raug ntes.**

## YOG TIAS KOJ LUB TSEV RAUG DEJ LOS NYAB . . .

- ☛ **TSIS TXHOB LAM KOV TEJ KOV HLUA HLUA TAWS XOB VAU RAU NTAWM TEJ!** Yuav tsum xav tias txhua txoj hlua tseem ua hauj lwm. Hu rau tsev kho hluav taws xob thiab cia cov neeg kawm ua dua lawm mam tuaj kov tej no.
- ☛ Tsis txhob siv tej zaub mov (hauv kaus poom los si tseem tshiab khiv) uas raug dej nyab lawm.
- ☛ Xyuas meej kom cov dej haus txhob qias. Muab rhaub kom npau li 10 nathi los sis tov  $\frac{1}{2}$  diav me dej tshuaj Chlorine Bleach nrog 2  $\frac{1}{2}$  nkasloos dej (cia sib tov ua ke li 5 nathi). **TSIS TXHOB ywj siv cov dej hauv tsev uas xws li “xuas lub lim dej” coj los siv lim cov dej uas tsis huv.**
- ☛ Yog tias koj raug mob los sis xav tau kev kho mob, nrhiav kev kho mob, nrhiav kev kho mob rau ntawm qhov chaw pab los sis tsev kho mob uas muaj nyob ze koj tshaj plaws.
- ☛ Tsis txhob lam mus xauj tej chaw dej nyab.

- ☛ Qhov koj mus ntawd yuav ua ib qho nyuaj rau kev cawm lwm tus, kev ua hauj lwm muaj xwm txheej ceev, thiab tsam koj lam ,raug kev nyuaj siab. Tsis txhob lam kov tej khoom muaj hluav taws xob nyob rau ntawm tej chaw ntub dej. Yog tias tej khoom siv uas muaj hluav taws xob ntub los yog paug dej nyab lawm, tsis txhob siv lawv kom txog thaum PG&E qhia koj tias koj siv tau lawm.
- ☛ Siv teebxais, txhob siv ntais ntawv los sis taws tsau saib ub no hauv tej vaj tse vim tsam muaj khoom txais taws zoo nyob hauv.
- ☛ Qhia tej qhov dej tauv thiab kav dej tawg rau tub ceev xwm, cov ceev hluav taws los sis lwm cov neeg saib kev ruaj ntseg.
- ☛ Mloog nraim npivthabnyub thiab saib TV thiaj paub tej ntsiab lus tseem ceeb.

## YOG TIAS TSIM NYOG YUAV TAU TU QHOV TXHIA CHAW...

- ☛ Cov av nkos teev los ntawm cov dej nyab tej zaum kuj muaj ntau yam phem rau txoj kev noj qab haus huv. Nws yog ib qho tseem ceeb uas yuav tsum muab cov av nkos tshem tawm kom sai li sai tau thiab ua tib zoo saib thaum tab tom tum tshem. Tiv thaiv koj ob lub qhov muag, qhov ncauj, thiab ob txhais tes. Siv hnab looj tes, yog tias tsim nyog, siv lub looj ntsej muag thaum tab tom tu ub no. Siv cov xabnpum tua tau kab mob coj los ntxuav tes taw thaum koj tu tiav tag lawm. Xyuas kom paub meej tias koj nyuam qhuav txhaj koob tshuaj tiv thaiv kab mob xeb tsis ntev los no.
- ☛ Ntawm qhov chaw Saib Xyuas Kev Noj Qab Haus Huv thov nqua qhia rau txhua tus kom ceev faj kawg nkaus thaum sij hawm rov los rau cov thaj tsam uas dej nyuam qhuav nyab tas. NTAU YAM KHOOM PHEEM tej zaum kuj los khuam thaum lub sij hawm tab tom kho thiab tiv thaiv dej. Tej zaum cov del los nyab kuj tshoob tej thawv tshuaj lom ub no los, los sis tshoob tej tshuaj lom los ntawm tej liaj teb los. Tsis txhob lam tshem tej thawv ntim roj. Cov no yog ib co yuav sawv ua tau hluav taws los sis tawg taus, thiab ntawm chaw Saib Kev Noj Qab Haus Huv thov nqua kom koj/nej hu rau tub ceev xwm los sis chaw saib hluav taws es qhia qhov chaw rau lawv pawb. Npevtawjlij tshob tej zaum kuj muaj hluav taws xob ua hauj lwm. Siv cov hnab looj tes fai fab txais tsis tau thaum tshem cov npevtawjlij tshob tawm. Tsis txhob cov/chwv tej kua npevtawjlij uas txej los yog nchuav rau ntawm tej.

**KEV XAV TXOG TEJ KEV PIAM SIJ NTAWM DEJ NYAB**, raws li twb pom dua los lawm, dej nyab muaj kev piam sij loj heev. Cov phooj ywg, cov neeg ntawm tog vaj tog tsev, thiab cov tsev pe hawm Vajtswv yog cov yuav los pab txhawb cov neeg uas raug piam sij. Yog tias kev pab thiab kev txhawb xav tau ntau ntxiv, cov chaw uas muaj kev pab yuav teem ib qho chaw tam sim ntawd los pab rau cov neeg uas raug dej nyab, nrog rau kev muab tswv yim pab. Tej nom tswv hauv zej zog yuav qhia cov xov tooj rau cov neeg uas xav tau kev pab los ntawm Tsoom Fwv qib siab thiab cov Koomhaum hauv lub Xeev, nrog rau tej kev qhia hais txog kev txhawb zog raug cov neeg raug dej nyab.

**THAUM COV NIAM DEJ PUV ZUJ ZUS TUAJ . . . .**

Xyuas meej kom koj/nej txav rau Cable TV tshooj 5 thiab/los si tshooj tshaj tawm txog xwm txheej ceev kom paub txog tej ntsiab lus tseem ceeb. Nyob rau hauv nroog Yuba-Sutter, mloog xov tooj xws li nram no:

KUBA . . . . .	1600 AM
KXCL . . . . .	103.9 FM

Tsis txhob mloog tej lus tham tsis tseem ceeb thiab tej yam tsis muaj tseeb, tab sis yuav tsum ua tib zoo mloog tej kev tshaj twm txog xwm txheej ceev muaj nyob hauv lub zos koj nyob.

Cov tib neeg uas tsis muaj qhov chaw tawm khiav mus nyob, ntawm American Red Cross yuav npaj tsim ib co chaw rau lawv nyob. Cov chaw nyob no yuav tshaj tawm rau ntawm koj lub xov tooj cua thiab TV.

Teev npe ntawm cov neeg mus nyob rau cov chaw yuav ua tiav rau ntawm American Red Cross tom qab li 72 xuab moo. Ntawm American Red Cross yuav muab ib tug xov tooj tshaj tawm rau hauv xov tooj cua yog li ntawd tej yim neeg thiab phooj ywg uas muaj kev txhawj thiaj sib nug tau.

**KEV NPAJ TSAM RAUG YUAM KHIAV TAWM . . . .**

- Ntim dej cia rau hauv cov thawv dej uas kaw tau hauv si.
- Yog ntxiv li dej yuav nyab, thiab yog tias sij hawm txaus, ntsaig tej rooj tog thiab yus tej khoom siv mus rau theem tsev siab ntawm koj lub tsev.



- Ua tib zoo khaws tej khoom muaj nuj nqis thiab ntaub ntawv tseem ceeb.
- Muab cov khoom siv thaum muaj xwm txheej ceev sau tseg rau daim ntawv teev khoom.

YOG TIAS KOJ MAG dej nyab puv tam sis tuaj lawm, txav mus rau theem tsev ob los sis nce lawm saum ru tsev. Npaj ris tsho sov, ib lub teebxais, thiab ib lub Npivthabnyub nrog nraim koj. TOS kom neeg tuaj cawm koj.... tsis txhob lam ua luam dej khiv tawm. Cov neeg cawm siav yuav tuaj nrhiav koj.

YOG TIAS KOJ TSIS YOG NYOB HAUV TSEV LAWM, nco ntsoov tias dej nyab mas tsis paub yuav tsuj qhov twg li. Tsis txhob kov tej qhov dej nyab, thiab txhob lam mus kwm cov dej nyab.

YOG TIAS KOJ LUB TSHEB TUAG CAV IB TOG KEV, muab nws tso tseg kiag TAM SIM NTAWD thiab nrhiav chaw siab. Muaj coob tus neeg pogo deg thaum lawv tab tom cawm lawv cov tsheb.

---

## KUV DAIM NTAUV TEEV KHOOM

---

Cov khoom kuv yuav tau nqa nrog kuv yog tias kuv yuav tau tawm khiav.

Dej haus  
 Zaub mov  
 Pam vov pam pua  
 Tshuaj  
 Khoom siv rau menyuum

**Sau cov xov tooj nram qab no tseg UA IB QHO KEV NPAJ TSEG:**

Tsev Neeg Tus Kws Khob Mob: \_\_\_\_\_  
Lwm Yam Kws Kho Mob (yog tias muaj): \_\_\_\_\_  
P.G. & E \_\_\_\_\_  
Txhua tus menyuum li tsev kawm ntawv: \_\_\_\_\_

Niam li hauj lwm: \_\_\_\_\_  
Txiv li hauj lwm: \_\_\_\_\_  
Tsev muag tshuaj: \_\_\_\_\_  
Lwm Yam: \_\_\_\_\_

\*\*\*\*\*

**TEJ CHAW TSEEM CEEB UAS MUAJ KEV PAB:**

Cov pejxeem nyob hauv Xeev California uas cov tsev los sis tej liaj ia raug  
piam sij los ntawm dej nyab yuav tau nrhiav kev pab raws li cov qhia rau  
nram qab no:

**FEMA REGISTRATION:**  
Kev pab rau tej kev piam sij: 1-800-462-9029  
Cov hais tsis tau lus los sis lag ntseg: 1-800-462-7585

**PABKASPHAIS DEJ NYAB TSEV: 1-800-427-4661**

**AMERICAN RED CROSS:**  
Ntawm thaj tsam Buttes hu rau 673-1460

**SALVATION ARMY:**  
Nroog Yuba/Sutter hu rau 674-7624

**Tsheb Thauj Neeg Mob, Chaw Saib Hluav Taws, Tub Ceev Xwm:**  
**Siv thaum XWM TXHEEV CEEV XWB: 911**

**CHAW UA HAUJ LWM THAUM MUAJ XWM TXHEEJ  
CEEV NTAWM NROOG SUTTER**

Yuav ua hauj lwm 24 xuab moo ntawm Chaw Tshaj Tawm rau cov  
pejxeem hauv nroog Sutter tus xov tooj 822-7400 thaum tus dej Feather  
River puv txog 65 fij los sis dhau ntawd.

**TEJ THEEM DEJ NYAB NTAWM TUS NIAM DEJ SACRAMENTO RIVER . . . .**

Kev ntsuas ntawm tus dej puv tuaj yog ntsuas rau ob qho chaw, xws li **yog ntawm Tisdale Wier thiab Knights Landing.**

**DEJ PUV QIS DUA 51 FIJ ntawm Tisdale/40 fij ntawm Knight Landing.**

**Yog kauj ruam npaj tswv yim thiab npaj khoom ub no.** Yog theem npaj tswv yim thiab npaj khoom ub no tsam muaj xwm txheev ceev. Tus naim dej puv tuaj dhau tus kwj deg rau sab nraud lawm, thiab tej nom tswv xav tau tias yog caij npaj, tsis tau hais kom txhua qhov chaw ua hauj lwm kom ceev faj.

**DEJ PUV DHAU 51 FIJ ntawm Tisdale/43 fij ntawm Knight Landing. Yog**

**kauj ruam Npaj nqis tes.** Txhua tus uas nyob rau thaj tsam dej yuav nyab yuav tsum npaj koom tiav log uas xws li Ceeb Toom Muab Tswv Yim kom khiav tawm los sis qhov uas yuav Raug Yuam Khiav Tawm yuav ceeb toom qhia tsis paub lub sij hawm twg.

**DEJ PUV DHAU 54 FIJ ntawm Tisdale/43.5 ntawm Knights Landing. Yog**

**them xwm txheej ceev kub teg kub taws.** Nyob rau theem no, qhov tshaj tawm kom Yuav Tsum Tau Khiav Tawm ntawm cov thaj tsam dej yuav nyab yog ntau heev li lawm. Kev tshaj tawm kom Yuav Tsum Tau Khiav Tawm yuav tshaj tawm ze ze yav tom ntej, thiab yuav tsis muaj sij hawm los sis muaj sij hawm tsawg heev rau cov tib neeg thiab cov tswv hauj lwm yuav tiv thaiv lawv tej khoom txhiam laj txhiam xws. Nws yog ib qho tseem ceeb uas txhua tus yuav tau ua tib zoo mloog kev tshaj tawm txog xwm txheej ceev los ntawm lub Nroog thiab lub Zos thiab yeej meem npaj rau qhov yuav raug khiav tawm sai sai los ntawm kev tshaj tawm.

**TEJ THEEM DEJ NYAB NTAWM TUS DEJ SACRAMENTO RIVER. . . .**  
Kev ntsuas dej yog ntsuas rau ntawm ob tug choj Long Bridge thiab Colusa Bridge.

**DEJ PUV qis dua 50.5 fij ntawm Long Bridge/66.5 ntawm Colusa Bridge yog them Npaj Tswv yim thiab Npaj khoom ub no.** Kev npaj tswv yim thiab Npaj khoom ub tsam muaj xwm txheej ceev. Tus niam dej puv dhau tus kwj deg los rau sab nraud lawm, thiab tej nom tswv xav tau tias yog caij npaj, tsis tau hais rau qhov txhia chaw kom ceev faj.

**DEJ PUV dhau 55.5 ntawm Long Bridge/66.5 ntawm Colusa Bridge yog theem npaj tias yuav ua li cas.** Cov pejxeem nyob rau ntawm thaj tsam dej yuav nyab yuav tau npaj rau qhov uas luag Ceeb Tom Muab Tswv Yim Kom Khiav Tawm los sis kev yuav Raug Yuam Kom Khiav Tawm yuav tshaj tawm tsis paub lub sij hawm twg li lawm.

**DEJ PUV DHAU 56.6 fij ntawm Long Bridge/70 fij ntawm Colusa Bridge yog theem muaj xwm txheej ceev.** Nyob rau qhov no, qhov yuav tsum Tau Khiav Tawm ntawm cov thaj tsam dej yuav nyab yog ntau heev li lawm. Kev tshaj tawm kom Yuav Tsum Khiav Tawm ze heev li lawm, thiab tej zaum yuav tsis muaj sij hawm los sis muaj sij hawm tsawg heev rau cov tib neeg los sis tej tswv hauj lwj yuav tiv thaiv lawv tej qhov txhia chaw. Yog ib qho tseem ceeb heev uas txhua tus yuav tsum ua tib zoo mloog kev tshaj tawm muaj xwm txheej ceev los ntawm lub Nroog thiab lub Zos, thiab npaj kom tiav log rau qhov yuav raug khiav tawm tsis paub lub caij twg los ntawm kev tshaj tawm.

**TEJ THEEM DEJ NYAB NTAWM TUS DEJ FEATHER RIVER. . .**

Kev ntsuas dej yog ntsuas rau ntawm Nicolaus.

**DEJ PUV qis dua 42.6 fij yog them Npaj Tswv yim thiab Npaj khoom ub no.**

Kev npaj tswv yim thiab Npaj khoom ub tsam muaj xwm txheej ceev. Tus niam dej puv dhau tus kwj deg los rau sab nraud lawm, thiab tej nom tswv xav tau tias yog caij npaj, tsis tau hais rau qhov txhia chaw kom ceev faj.

**DEJ PUV dhau 42.6 fij yog theem npaj tias yuav ua li cas.**

Cov pejxeem nyob rau ntawm thaj tsam dej yuav nyab yuav tau npaj rau qhov uas luag Ceeb Tom Muab Tswv Yim Kom Khiav Tawm los sis kev yuav Raug Yuam Kom Khiav Tawm yuav tshaj tawm tsis paub lub sij hawm twg li lawm.

**DEJ PUV DHAU 46.6 fij yog theem muaj xwm txheej ceev.**

Nyob rau qhov no, qhov yuav tsum Tau Khiav Tawm ntawm cov thaj tsam dej yuav nyab yog ntau heev li lawm. Kev tshaj tawm kom Yuav Tsum Khiav Tawm ze heev li lawm, thiab tej zaum yuav tsis muaj sij hawm los sis muaj sij hawm tsawg heev rau cov tib neeg los sis tej tswv hauj lwm yuav tiv thaiv lawv tej qhov txhia chaw. Yog ib qho tseem ceeb heev uas txhua tus yuav tsum ua tib zoo mloog kev tshaj tawm muaj xwm txheej ceev los ntawm lub Nroog thiab lub Zos, thiab npaj kom tiav log rau qhov yuav raug khiav tawm tsis paub lub caij twg los ntawm kev tshaj tawm.